

berriak

Ziri

**JOSE ANTONIO
RUBALKABA**Giza Eskubideen Batzordeko
lehendakaria«Mayorrek ez die banan-
banako politika aplikatzen
presoei, orokorra baizik:
sakabanaketa»

EL DIARIO VASCO

CANDIDO MENDEZ

UGTko idazkari nagusia

«Felipe Gonzalez Olinpoko
maizter moduko bat zen»

DIARIO DE NOTICIAS

ROBERTO RIOS

Futbolaria

«Athletic-ez mintzatzea oso
kontu serioa da. Baloratzekoak
dira haren filosofoa eta
bereztasunak»

DEIA

JAVIER IRURETA

Futbol entrenatzailea

«Entrenatzailearen bizitza
erabateko arrakastari lotua
dago»

EL PAIS

i r i t z i a

zuzendaria

Elkartasuna

Lerro labur hauen bitartez La Santeko euskal preso politiko garen hauek gogor salatu eta gezurtatu nahi dugu hainbat komunikabidek Joseba Urrusolo Sistiaga gure kideari buruz berriki jaurtiki dituzten gezur okaztagarriak. Gezur eta irainak Espainiar Estatuko Barne-Ministerioak Euskal Preso Politikoa kontra daraman estrategia errepresibo eta manipulatzailearen islada largarri bat baino ez da.

Orobat gure elkartasun osoa adierazi nahi diogu Joseba gure kideari.

● **Kepa Pikabea**(La Santeko lehenengo dibisioko lau preso
politikoak)**Langile Komisioak
zergatik ez?**

Langile Komisioetako (CCOO) ezker sindikaleko lagunek pasa den larunbatean amaitu genuen Arrasateko udaletxeko gose greba. Euskal presoan eskubideen aldeko gose greba.

Hasteko, eskerrak eman nahi genizkieke ekimen honetan elkartasuna adierazi dutenei, batez ere euskal presoan senideei, izan diren kontzentrazio guztietan, bai Portaloian bai herriko plazan, gure ondoan izan direlako. Baita ere Arrasateko tanborreroei, hauek lore eskeintza egin baitziguten.

Gure gose greba hiru arrazoigatik bideratua izan da. 553 euskal presoak Estatu Espainiarreko gartzaleetan sakabanatuak pairatzen dituzten giza eskubideen errespetu ezagatik. Arrazoi politikoengatik, gatazka honen konponbidea, eskubide demokratikoa- ren errekonozimenduarekin eta Euskal Herriak bere etorkizuna aske erabakitzeke ahalmenarekin lortuko baitu. Eta hirugarrena eta azkena: arrazoi praktikoengatik. Euskal Herrian gizarte eta politika arazoei aurre egiten ez dien sindikalismoak ez duelako etorkizunik.

Gose greba Langile Komisioetako ezker sindikaleko kide gisa gauzatu dugu, baina zergatik ez Langile Komisioak? Zergatik trantsizio garaian Euskal Herriaren eskubide demokratikoen alde borrokatu zen, eta gaur

egun autodeterminazioa defendatzen duen sindikatu honek bizkarra ematen dio ekimen honi? Zergatik jarraitzen du Ajuria Eneko akordioarekin, bere baliagarritasun eza hain argia denean?

Komenigarria litzateke aztertzea Euskadiko Langile Komisioak noruntz bideratzen ari diren, azkenaldi honetan UGTrekin batera daraman ildotik.

Guri gustatuko litzazuke Langile Komisioek ekimen honetan parte hartzea, ziur bai-kaude gure afiliatuen gehiengoa euskal presoak Euskal Herriratzearen alde dagoela, eta zigorraren hiru laurdenak beteak dituztenak kalean egon beharko luketela onartzen duela. Ezin ahaztu gaixotasun sendaezinak dituzten presoak kaleratu behar dituztela, legea bete-raziz.

● **Juan Jose Azkarate**(Arrasateko udaletxean gose greban izan diren
11 lagunen izenean)

ARRASATE (GIPUZKOA)

**Xabier Pikabea eta
Lourdes Karrerari
erantzuna**

EGUNKARIAN ekainaren 27. egu-
nean niri leporatu zizkidaten
irainei ez diet erantzungo. Gorrotoak eta irai-
nak ezin baitezake gauza onik ekarri.

Bakoitzak gizarte aldrebes honi erantzute-
ko bere bidea aukeratzen du eta gizarteak
berak du —niretzat behintzat— benetako leji-
timitatea bide eta ekintza horien balorazioa
egiteko.

Gauzak argi gelditu daitezten, Arnaitzen
istripua zela-eta nik esan nuena zera da:
«ENAMek gatzetxoak erabiltzen zituela bere
gogorkeria eta terrorismo estrategiarako». Esanahi orokor batean zegoen adierazpen hau, nahiz eta Arnaitzen heriotza ondoren argitaratu.

Nik ez dakit Arnaitzen kasuan gertakizun
hura zein modutan suertatu zen, baina behin
baino gehiagotan horrelakoak gertatu direla
esateko arrazoiak badituzte. Kasu honetan ez
bada horrela izan, poztu egingo nintzateke,
nahiago bainuke horrela ez izatea. Inolaz ere
nik ez dut Arnaitzen sendi eta lagunen mina
erabili. Horrelako adierazpenak nik gaitzetsi

nituen ideien aurka daudenei bakarrik da
posible bururatzea.

«Benetako bakean bizitzeko sofrimendu
latz honetatik ateratzea, herri bezala osatzeko
eskubidea...» lortzeko ENAMek eta ETak dara-
maten bidea oso desegokia dela esatea bada
nire errua, prest nago *hankasartzeak* onartze-
ko. Baina horretarako ere eskubidea ukatuko
ote didazue bada!!!

● **Antton Karrera**

ZIZURKIL (GIPUZKOA)

**Homosexualitatea
aukera sexuala da**

XXI. mendearen ateetan gaude-
larik, oraindik ere homosexuali-
tatea antinaturaltzat jotzen da. Badirudi
natural heterosexuala izatea dela, baina hau
ez da naturak ematen duen aukera bakarra,
hala ezarri badigute ere. Gainera heterose-
xualitatea, ugalketara mugaturik, gizonaren
sexualitatean oinarritzen da.

Tolerantzia asko hitz egiten den gizarte
honetan, homosexualitatearen aurkako jarre-
rak nabarmenak dira, eta ez legeei dagokiene-
an bakarrik, eguneroko gure joeretan ere bai
(txisteak, irainak...) errealitate gordina islada-
tzen duelarik.

Maitasunerako ez dago ez egitura propio-
rik, ezta aurrez ezarritako arau edo normarik.
Bakoitzaren desio homosexualak onartu egin
behar dira, izkutatu eta erreprimitu gabe.
Homosexuala izatea ez da inongo falta ez
bekatu, eta bizitzaren edozein momentutan
homosexuala edo heterosexuala izan daiteke.

Guztion ardura da, eta ez norbanakoarena,
bakoitzak hartutako aukera naturalki bizi
ahal izatea; horregatik, ulergaitza da mugi-
mendu sozialek gai honen aurrean duten sen-
sibilitate falta. Guzti honengatik, heterose-
xualitatea inposaketa bat izatetik urrun, gure
sentimenduen araberrako aukera izango den
gizarte askeago bat lortzeko borroka, ezin du-
gu amaitutzat eman. Askatasuna guztiontzat.

● **Marivi Nuñez Gamazo**(Euskal Herriko emakumeen koordinadorako
kidea)

GASTEIZ

seiko urrea

Emilio Lopez Adan**Urrian ezin,
uztailean egin**

Urrian Herri Batasunaren Mahai
Nazionala auziperatuko dute Madri-
len. Ordurako EGUNKARIAKO leku hau
beste norbaitek hartua izanen da eta, agian,
nik baino hobeki erabiliko du behar direnak
esateko. Aurretik bada ere, Mahai Naziona-
laren kideei nire solidaritatea eskaini nahi
diet.

Estatua egiten ari dena oso larria da.
Hasteko, oraingo estrategia bortitzaren logi-



ka du: errepresioa eta errepre-
sioa, Ezker Abertzalearen krimi-
nializazioa eta isolamendua,
eta negoziaketei inongo lekuri ez uztea.
Auzia borondate horren erakuslea da.
Gobernuak nahi duena pentsatuko du, bai-
na hori ez da bidea. Edukinean eta forme-
tan txarto, oso txarto dabil.

Bideo famatu horrek esanarekin ados
izan zein ez izan, ETaren bake proposame-
na bortizkeria apologia huts bezala kontsi-
deratzea alimaleko okerra da. ETaren ingu-
ruan artikulatzen den mugimendua zabala
da eta adar asko ditu; mugimendu horrek
biolentzia iraultzailea aldarrikatzen badu
ere, borroka mota desberdinak onartzen
ditu bake justuaren ardiesteko borondate-
az. Botereak errealismo den mendrena
balu, bereiztuko litzuke ekintza armatuen
apologia eta demokratizazio onargarriak
diren eskakizunak: bigarrenen irtenbidea
eman lehenak baztertzeko da negoziaketa-
ren jokamolde posible bakarra eta izpiritu
hori beharko lukete gobernu-ardura dute-
nek.

Formetan, ETak egindako bideoa gauza
bat da eta ETaren mezua zabaltzea beste
bat. Bideoa ETak egin du, eta hari eskatu

behar zaio balizko ardura penala. Gero,
edonork dauka eskubide osoa talde armatu
baten ekintzak komentatzeko eta haien
alderdi positiboak laudatzeko, batez ere
ekintza baketsuak direnean. Jende anitzek
uste dugu ETaren oinarritzko eskakizunak
zuzenak direla eta Herri Batasuneko gehie-
nek pentsatzen dute bake zuzenerako eki-
mena ETaren bidetik pasatuko dela. Gu
guztiok, gutxienez populuaren ehuneko
hamar edo hamabost bat, ez gara ekintza
armatuen egileak, ez eta talde klandestino-
aren partaideak. Bakoitzak pentsatzen due-
na esatea oinarritzko askatasuna da; egokia
iduritzen zaion proposamen baten zabal-
tzea, askatasunaren erabilpen normala izat-
teaz gain, erresponzabilitate marka da.
Gauden larritasunetik ateratzeko bide posi-
ble baten ezagutaraztea lehen mailako era-
giketa politikoa dugu. Adierazpen askatasu-
na eta herriaren parte hartzea mendratzeko
auzia izanen da Madrilekoa eta, zentzu
honetan, Mahai Nazionalaren kideei egin-
dakoak denak zipriztinatuko gaitu: estatu
interesez ezin ditzakete jendeen oinarritzko
eskubideak ezabatu.

Horra zergatik behar diegun solidarita-
tea eskaini auziperatuei.